

# O Le Mana Tatou Te Filifili Ai

## Filifiliga A: O le a le mea ua aoao mai e lo tatou mana e filifili ai e uiga i le Atua?

Faitau le 2 Nifae 2:14, 16 ma vaavaai mo mea na aoao mai e Liae e uiga i le Atua ma lo tatou faitalia.

- O le a se mea na e aoaoina?
- Aisea e taua ai le malamalama faapea e tuuina mai e le Atua ia i tatou le mana e galulue ai mo i tatou lava?
- O le a sou lagona i le faatuatuaina o oe e le Tama Faalelagi e fai au lava filifiliga?

Mafaufau i se faataitaiga i se taimi na e faaaogaina ai le faitalia i se auala e te lagona na fiafia ai le Tama Faalelagi.

- Aisea e te lagona ai na fiafia le Atua i lau filifiliga?

Atonu foi e aoga le mafaufau loloto i soo se filifiliga na e faia atonu e le i fiafia ai le Atua ma mea ua e aoaoina mai i na mea.

## Filifiliga E: O le a le mea ua tuuina mai e le Atua ia i tatou e fesoasoani ai ia i tatou e filifili ma le poto?

Faitau le 2 Nifae 2:5, 13 ma le Moronae 7:16 ma vaavaai mo upumoni nei. Matau “o le tulafono” e faasino i poloaiga a le Atua.

E tatau ona tatou iloa le lelei mai le leaga e faaoga tonu atoatoa ai lo tatou faitalia.

E tatau ona ia i tatou le tulafono ina ia maua ai le faitalia.

- O le a se mea ua e aoaoina e uiga i le Tama Faalelagi ma Iesu Keriso mai le upumoni lea La te tuuina atu i tagata uma ia lava ai le malamalama i le lelei ma le leaga ina ia mafai ai ona filifili i le amiotonu po o le amioleaga?
- O le a le mea semanu e tupu pe ana leai se tulafono po o ni poloaiga?

## Filifiliga I: Aisea tatou te lagona ai le faafeagai i a tatou filifiliga lelei?

Faitau le 2 Nifae 2:11, 16, ma vaavaai mo upumoni faaopoopo na aoao mai e Liae e uiga i le faitalia.

- O le a se mea sa e mauaina?
- I le fuafuaga a le Tama Faalelagi, aisea e te manatu ai o le faafeagai o se vaega e tatau ai o le faitalia?
- O a ni auala e faatosinaina ai i tatou e faia filifiliga sao ma le sese?

Ina ia fesoasoani ia e malamalama i lenei upumoni, faitau le saunoaga lenei a Elder Jeffrey R. Holland o le Korama a Aposetolo e Toasefululua:



E le mafai ona avea fanau a le Atua i le muai olaga e faapei o ia . . . sei vagana ua latou maua . . . le poto masani i se nofoaga sa i ai uma le lelei ma le leaga. . . .

. . . Sa tatou mananao i le avanoa e . . . faafetaiaia le lelei ma le leaga ma ia lava le malosi e filifili ai le lelei. (Jeffrey R. Holland, *O Keriso ma le Feagaiga Fou: O le Savali Faale Mesia o le Tusi a Mamona* 1997), 200, 204)

Mafaufau i ni auala o loo e aoao ai e filifili le lelei, e tusa lava pe faaosoosoina e le leaga. Atonu e te manao e tusi au tali i totonu o lau apitalaaga mo sutesuega. Atonu foi e te manao e mafaufau loloto i auala e mafai ona e sailia ai le fesoasoani i soo se faaiuga atonu e te manao e sui.